

# NEWS LETTER

# 2014

[www.fipa.gov.ba](http://www.fipa.gov.ba)

**U NEVESINJU  
OTVOREN NOVI  
POGON KONCERNA  
SWISSLION TAKOVO**



**POSJETA POSLOVNE  
DELEGACIJE  
REPUBLIKE  
KOREJE**

**NJEMAČKA KOMPANIJA “SCHAEFER KALK”  
GRADIT ĆE FABRIKU VAPNA U MOSTARU**



# NEWSLETTER BR. 2

MAJ 2014

## SADRŽAJ

### FIPA AKTIVNOSTI ≡

- » Posjeta poslovne delegacije Republike Koreje
- » Izvršni direktor Odbora njemačke privrede za istočnu Europu posjetio FIPA-u
- » Predstavnici FIPA-e održali prezentaciju na Međunarodnim danima turizma Sarajevo 2014
- » Predstavnici Agencije za unapređenje stranih investicija Bosne i Hercegovine (FIPA) u zvaničnoj posjeti Općinu Kiseljak
- » Predstavnici Američke ambasade posjetili FIPA-u
- » Predstavnici Ambasade Kine posjetili FIPA-u
- » Direktorica FIPA-e razgovarala sa direktorom KOSGEB-a
- » Sastanak direktorice FIPA-e sa predstavnikom Grupacije Svjetske banke
- » Sastanak direktorice FIPA-e sa predstavnikom UNCTAD-a
- » Direktorica FIPA-e učestvovala na sastanku Zajedničke radne grupe Komiteta za investicije jugoistočne Europe
- » Direktorica FIPA-e učestvovala na Forumu za prosperitete i zapošljavanje

### POSLOVNE VIJESTI ≡

- » U Nevesinju otvoren novi pogon koncerna Swisslion Takovo
- » Potpisan sporazum o izgradnji fabrike za preradu voća i povrća kod Doboja
- » Njemačka kompanija "Schaefer Kalk" gradit će fabriku vapna u Mostaru
- » Međunarodni poslovni forum



## PROMOTIVNI MATERIJALI AGENCIJE FIPA U KOJIMA STRANI INVESTITORI GOVORE O RAZLOZIMA ZA INVESTIRANJE U BIH

U promotivnim video materijalima Agencije FIPA „Investiraj u Bosni i Hercegovini“ dostupni na <http://www.youtube.com/user/InvestInBiH>, visoko rangirani predstavnici stranih firmi koje posluju u Bosni i Hercegovini govore o razlozima zbog kojih su odlučili investirati u BiH.

Video materijali uključuju izjave predstavnika slijedećih firmi: Prevent BH doo, EFT Group - Rudnik i Termoelektrana Stanari Doboj, Nestro Optima Grupa doo Banja Luka, Messer BH Gas Sarajevo, Kapis doo TKT Tomislavgrad, Bekto Precisa Goražde and Hella-Bekto Industries Goražde, Bogner Edelstahl doo Vitez, Alpro doo Vlasenica-Alumil Group, Termag Hotel Jahorina, Hotel&Spa Međugorje Međugorje, Hotel Bristol Sarajevo, Standard ad Prnjavor, Natron Hayat doo Maglaj, Lipa Drvo doo Omarska i Arifagić Investment doo export-import Kozarac kod Prijedora.

Izjave se mogu vidjeti na donjem linku:  
<http://www.youtube.com/user/InvestInBiH>

# FIPA AKTIVNOSTI ≡



PREDSTAVNICI FIPA-E ODRŽALI PREZENTACIJU NA MEĐUNARODNIM DANIMA  
TURIZMA SARAJEVO 2014



PREDSTAVNICI FIPA U ZVANIČNOJ ≡  
POSJETI OPĆINU KISELJAK



...I JOŠ FIPA AKTIVNOSTI...



## POSJETA POSLOVNE DELEGACIJE REPUBLIKE KOREJE



Direktorica Agencije za unapređenje stranih investicija u BiH (FIPA) Jelica Grujić sa suradnicima primila je poslovnu delegaciju Republike Koreje 5. maja 2014 u Sarajevu.

Ovom prilikom delegacija je informirana o uvjetima ulaganja, i mogućnostima investiranja u Bosnu i Hercegovinu.



## IZVRŠNI DIREKTOR ODBORA NJEMAČKE PRIVREDE ZA ISTOČNU EUROPU POSJETIO FIPA-U



7. maja 2014. godine u Sarajevu, izvršni direktor Odbora njemačke privrede za istočnu Europu, gospodin prof. dr. Rainer Lindner, sastao se sa direktoricom Agencije FIPA Jelicom Grujić.

Sastanku su osim gospodina Lindner-a prisustvovati i Anja Quiring, regionalna direktorica Odbora njemačke privrede za jugoistočnu Europu, i gospodin Florian Burkhardt, šef ekonomskog odjeljenja Ambasade Savezne Republike Njemačke u BiH.

Na sastanku je razgovarano o mogućnostima za ulaganje u BiH i budućoj suradnji.



## PREDSTAVNICI FIPA-E ODRŽALI PREZENTACIJU NA MEĐUNARODNIM DANIMA TURIZMA SARAJEVO 2014

Predstavnici FIPA-e Nina Pobrić i Dika Mustafić održale 8. maja 2014. godine prezentaciju o investicijskim potencijalima BiH u sektoru turizma i zakonskom okviru za strane investitore, u sklopu Međunarodnih dana turizma Sarajevo 2014.

Prema podacima Svjetske turističke organizacije, Bosna i Hercegovina je definirana kao jedna od samo tri turističke destinacija u svijetu sa ukupnim potencijalom rasta turističkog tržišta po stopi većoj od 10% godišnje do 2020. Prema izvještaju Svjetskog ekonomskog foruma o konkurentnosti u turizmu za 2013 godinu, Bosna i Hercegovina zauzima 8. mjesto od 140 zemalja po odnosu stanovništva prema stranim turistima, a po prirodnim ljepotama Bosna i Hercegovina zauzima 20. mjesto.

Na Međunarodnim danima turizma Sarajevo 2014., učestvovali su izlagači iz BiH, Bahreina, Srbije, Slovenije, Hrvatske, Turske, Italije, Kuvajta, Bugarske i drugih zemalja.



## PREDSTAVNICI FIPA U ZVANIČNOJ POSJETI OPĆINU KISELJAK



Predstavnici Agencije za unapređenje stranih investicija Bosne i Hercegovine (FIPA) 15.maja 2014. godine posjetili su Općinu Kiseljak gdje su razgovarali sa načelnikom g. Mladenom Mišurićem Ramljakom i njegovim pomoćnikom g. Marinkom Komšićem.

Na sastanku se razgovaralo o investicionim potencijalima Općine, uspješnim stranim investitorima, kao i o odnosu lokalne zajednice prema njima.

Istog dana održan je i sastanak u kompaniji Transport beton d.o.o. Kiseljak čiji vlasnik je njemački investitor, a kome su prisustvovali i predstavnici lokalne zajednice.

Transport Beton d.o.o. je njemačko – bosansko preduzeće osnovano 1998. godine čija je osnovna djelatnost eksploatacija i prerada kamena krečnjaka, njegova proizvodnja i transport. Preduzeće broji oko 50 zaposlenih i primjer su uspješne investicije na teritoriji Kiseljaka.

Druga posjećena kompanija – strana investicija je W&P Milos Beton u vlasništvu austrijskih investitora. Firma broji 77 zaposlenih i bavi se eksploatacijom i preradom kamena. Uspješan je primjer strane investicije koja od 2011. godine posluje u BiH.





## PREDSTAVNICI AMERIČKE AMBASADE POSJETILI FIPA-U

Direktorica Agencije FIPA Jelica Grujić razgovarala je u Sarajevu sa predstavnicima Američke ambasade u Sarajevu, ekonomskim savjetnicima Matthew A. Fullerton i Christine M. Harbaug.

Na sastanku je razgovarano o trenutnoj situaciji u BiH po pitanju priliva stranih ulaganja, bh. sektorima koji bi mogli privući značajnija strana ulaganja, te o mogućnostima suradnje.

Naglašeno je također da su američke investicije u BiH na niskom nivou, te da postoji prostor za njihovo povećanje.



## PREDSTAVNICI AMBASADE KINE POSJETILI FIPA-U



Direktorica Agencije FIPA Jelica Grujić razgovarala je u Sarajevu sa predstavnicima Ambasade Kine u Sarajevu, ekonomskim savjetnicima Lei Jianzhong, Zhang Tingyou i Shu Mengquito.

Na sastanku je razgovarano o mogućnostima poboljšanja ekonomske suradnje između dvije zemlje, uključujući mogućnosti za investiranje.

Što se tiče konkretno zemalja jugoistočne Europe, Kina kao investitor pokazuje značajniji interes za ulaganje u ovoj regiji posebno kada govorimo o velikim energetske i infrastrukturnim projektima.

Narodna Republika Kina i Bosna i Hercegovina imaju potpisane „Sporazum o izbjegavanju dvostrukog oporezivanja“ i „Sporazum o zaštiti i promociji investicija“.



## DIREKTORCA FIPA-E RAZGOVARALA SA DIREKTOROM KOSGEB-A

Direktorica Agencije FIPA Jelica Grujić razgovarala je u Sarajevu sa direktorom Direkcije za podršku malim i srednjim preduzećima Republike Turske (KOSGEB) Samilom Akpınarom.

Razgovarano je o trenutnom projektu "Pisanje implementacija investicijskih projekata" kojeg realizira Fondacija BIGMEV iz Turske u suradnji sa Agencijom FIPA sa ciljem privlačenjavećeg broja investicija iz Turske.

Činjenica je da se vlasnici investicijske projekata u BiH susreću sa poteškoćama u pisanju i pripremanju projekata, te pronalasku investitora. Eksperti za pisanje projekata iz KOSGEB-a će kroz petodnevnu edukaciju pomoći učesnicima da svoje ideje pretoče u konkretne projekte. Fokus će biti na pisanju i pripremanju projekata tokom trajanja edukacije. Razgovarano je također i o prilivu stranih ulaganja iz Turske u BiH.

Republika Turska zauzima 9. mjesto na ljestvici zemalja investitora u BiH sa 149 miliona eura investiranih do sada. Priliv investicija iz Turske bi mogao biti mnogo veći.



## SASTANAK DIREKTORICE FIPA-E SA PREDSTAVNIKOM GRUPACIJE SVJETSKE BANKE




Direktorica Agencije FIPA Jelica Grujić sastala se u Sarajevu sa Christine Quang, menadžerom za međunarodnu trgovinu i investicije Grupacije Svjetske banke. Na sastanku je razgovarano o situaciji vezanoj za priliv stranih ulaganja u BiH, te o mogućnostima buduće suradnje.



## SASTANAK DIREKTORICE FIPA-E SA PREDSTAVNIKOM UNCTAD-A

Direktorica Agencije FIPA Jelica Grujić razgovarala je u Sarajevu sa Chantal Dupasquier, Šeficom Odjela za analizu investicijskih politika UNCTAD-a. Na sastanku je razgovarano o reformama koje bi BiH trebala sprovesti sa ciljem stvaranja transparentnog, pouzdanog i konkurentnog poslovnog ambijenta, neophodnog za privlačnije većeg broja stranih investitora.

Najznačajnije zemlje investitori u BiH (milioni eura)  
Stanje direktnih stranih ulaganja (DSU) na dan 31.12.2012 – 5.6 milijardi eura



## DIREKTORICA FIPA-E UČESTVOVALA NA SASTANKU ZAJEDNIČKE RADNE GRUPE KOMITETA ZA INVESTICIJE JUGOISTOČNE EUROPE



Direktorica Agencije FIPA Jelica Grujiću učestvovala na sastanku Zajedničke radne grupe Komiteta za investicije jugoistočne Europe u organizaciji Vijeća regionalnu suradnju. Izvor: Centralna banka BiH



## DIREKTORICA FIPA-E UČESTVOVALA NA FORUMU ZA PROSPERITETE I ZAPOŠLJAVANJE

Direktorica Agencije FIPA Jelica Grujić učestvovala je na Forumu za prosperitet i zapošljavanje koji je održan u Sarajevu od 26. do 27. maja 2014 u organizaciji Međunarodnog monetarnog fonda, Svjetske banke, Europske banke za obnovu i razvoj i Ambasade Sjedinjenih Američkih Država.

Na Forumu je razgovarano o utvrđivanju mjera koje će privući investicije, zauzimanje šireg pristupa ekonomskim prilikama, podsticanje otvaranja novih radnih mjesta i ostvarivanje bolje socijalne zaštite.

Forum je okupio veliki broj predstavnika EU, USA, Republike Turske i Bosne i Hercegovine.

# POSLOVNE VIJESTI ≡



U NEVESINJU OTVOREN NOVI POGON KONCERNA  
SWISSLION TAKOVO



POTPISAN SPORAZUM O IZGRADNJI FABRIKE ZA  
PRERADU VOĆA I POVRĆA KOD DOBOJA



...I JOŠ FIPA POSLOVNIH VIJESTI...





## U NEVESINJU OTVOREN NOVI POGON KONCERNA SWISSLION TAKOVO



U Nevesinju otvoren je novi pogon prehrambene industrije Trebinje "Swisslion Takovo" u koji je investirano oko sedam miliona eura iz vlastitih sredstava Swisslion Trebinje. Do kraja godine, u ovom pogonu bit će zaposleno oko 100 radnika.

Za mjesec dana krenut će sa realizacijom projekta Trebinje II, odnosno pokretanje druge fabrike u Trebinju.



## POTPISAN SPORAZUM O IZGRADNJI FABRIKE ZA PRERADU VOĆA I POVRĆA KOD DOBOJA

Predstavnici grada Doboja i azerbejdžanskog preduzeća "Benkons Bosna" potpisali su poslovno-tehnički sporazum o izgradnji fabrike za preradu voća i povrća u Ševarlijama, vrijednosti 30 miliona eura.

Direktor "Benkons Bosne" Elin Zalon rekao je da će se ova fabrika baviti preradom voća i povrća, proizvodnjom voćnih sokova i drugih vrsta proizvoda od voća i povrća, te da će preuzeti brend nekadašnjeg giganta "Bosanke".



## NJEMAČKA KOMPANIJA “SCHAEFER KALK” GRADIT ĆE FABRIKU VAPNA U MOSTARU



Jedna od vodećih njemačkih firmi za proizvodnju vapna “Schaefer Kalk Gmbh & Co” i kompanija BFS iz sastava grupacije Stanić, započinju novi proizvodni projekt vrijedan 30 miliona eura. Riječ je o izgradnji tvornice vapna u Mostaru u kojoj bi bilo zaposleno 150 radnika.

Cjelokupna proizvodnja bi se izvozila na tržišta Afrike, Azije i EU.  
Grad Mostar odabran je zbog blizine Luke Ploče.



## MEĐUNARODNI POSLOVNI FORUM

Ministarstvo privrede Kantona Sarajevo u suradnji sa British Councilom u BiH organizira „Međunarodni poslovni forum Kantona Sarajevo 2014“, koji će biti održan 11. i 12. juna ove godine.

Forum će okupiti privredne i finansijske eksperte iz BiH i inostranstva, predstavnike stranih i domaćih kompanija iz različitih sektora privrede: građevinarstva, elektro-metalnog, poljoprivrednoprehranbenog, IT, te sektora trgovine i turizma.

Cilj foruma je predstaviti Kanton Sarajevo kao potencijalnu investicijsku destinaciju, te omogućiti ljudima iz politike i privrede da sagledaju kako da u svjetlu globalizacije iskoriste potencijale za ekonomski razvoj u regiji, kao i da se stručnjaci iz regije bolje upoznaju i razmjene informacije o poslovnim izazovima današnjice.



## MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



## USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



## DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4  
71000 Sarajevo  
Tel: +387 22 278 080  
Fax: + 387 33 278 081  
e-mail : [fipa@fipa.gov.ba](mailto:fipa@fipa.gov.ba)  
[www.fipa.gov.ba](http://www.fipa.gov.ba)

Ured FIPA-e Mostar  
Rade Bitange 30  
88000 Mostar  
Tel/Fax: +387 36 558 815  
E-mail: [mostar@fipa.gov.ba](mailto:mostar@fipa.gov.ba)

Ured FIPA-e Banja Luka  
ure Daničića 1/III  
78000 Banja Luka  
Tel/Fax: + 387 51 226 180  
E-mail: [banjaluka@fipa.gov.ba](mailto:banjaluka@fipa.gov.ba)

A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars.

# INVEST IN BOSNIA AND HERZEGOVINA YOUR NEW OPPORTUNITY

[WWW.FIPA.GOV.BA](http://WWW.FIPA.GOV.BA)